



Broj: 05-37-1542/22
Zenica, 15.12.2022. godine

Na osnovu člana 64. stav 1. tačka b. i člana 70. stav 1., 2. 3. i 6. Zakona o javnim nabavkama BiH („Službeni glasnik BiH“ br. 39/14), te preporuke Komisije za javnu nabavku, broj: 05-37-1498/22-2 od dana 01.12.2022. godine, po pozivu konkurentskog zahtjeva za dostavljanje ponuda za javnu nabavku usluge fizičke zaštite, objavljenom na portalu javnih nabavki, Obavještenje o nabavci, broj: 4221-7-2-77-3-12/22 od 09.11.2022. godine, člana 33. Statuta Javne zdravstvene ustanove Zavod za bolesti ovisnosti Zeničko-dobojskog kantona, broj: 870-15-2-XI/18 od 09.11.2018. godine, direktor dana 15.12.2022. godine, donosi:

ODLUKU o izboru najpovoljnijeg ponuđača

Član 1.

Dodjeljuje se Ugovor ponuđaču za javnu nabavku usluga fizičke zaštite ljudi i imovine Društvu za promet i usluge „**Condor**“ d.o.o. Zenica, agencija za fizičku i tehničku zaštitu ljudi i imovine, koji je dostavio ponudio sa najnižom cijenom i to cijenu radnog sata 6,62 KM sa ukupnom cijenom ponude 17.476,80 bez PDV-a, kao najpovoljnijem ponuđaču.

Član 2.

Sa najpovoljnijim ponuđačem zaključit će se Ugovor o nabavci.

Član 3.

Ova odluka objavit će se na web stranici www.zedovisnosti.ba, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama („Službeni glasnik BiH“ broj: 39/14).

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu članom 71. stav 2. Zakona o javnim nabavkama („Službeni glasnik BiH“ broj: 39/14).

O b r a z l o ž e n j e

Odlukom direktora, broj: 05-37-1414/22 od 09.11.2022. godine pokrenut je postupak za javnu nabavku **usluga fizičke zaštite ljudi i imovine za potrebe JU Zavod za bolesti ovisnosti ZDK Zenica na period na 1(jedne) godine**, ukupne procijenjene vrijednosti **17.500,00**, bez uračunate vrijednosti PDV na **jednogodišnjem nivou**, putem konkurentskog postupka, a u skladu sa članom 87. st. 2. Zakona o javnim nabavkama.

Konkurentski zahtjev je odabran za korištenje iz sljedećih razloga:

Članom 87. stav 2. Zakona o javnim nabavkama propisano je da Ugovorni organi iz člana 4. ovog zakona za dodjelu ugovora o javnoj nabavci primjenjuje konkurentski postupak. Obzirom da **JU Zavod za bolesti ovisnosti ZDK Zenica** spada u ugovorne organe iz člana 4. ZJN, smatramo da su ispunjeni uslovi da se provede konkurentski postupak za javnu nabavku **usluga fizičke zaštite ljudi i imovine za potrebe JU Zavod za bolesti ovisnosti ZDK Zenica na period na 1 (jedne) godine**.

Komisija sa zatvorenog sastanka Komisije za javnu nabavku održanog dana 01.12.2022. godine utvrdila je sljedeće:

- da je na portalu „E-nabavke“ dana 10.11.2022. godine, objavljeno obavještenje o nabavci 4221-7-2-77-3-12/22 sa namjerom provođenja e-aukcije, te rokom prijema ponuda i javnim otvaranjem ponuda zakazanim za dan 24.11.2022. godine u 11:15 sati.

- da je sa portala „E-nabavke“ tendersku dokumentaciju objavljenu 10.11.2022. godine, preuzelo ukupno 6 (šest) potencijalnih ponuđača,
- da je javno otvaranje ponuda bilo dana 24.11.2022. godine u 11:15 sati
- da na javnom otvaranju ponuda nije bilo predstavnika ponuđača,
- da je na (tender broj 2-77/22), u predviđenom roku pristiglo ukupno 1 (jedna) ponuda i to ponude ponuđača:

1. Condor d.o.o. Zenica

Prikaz prihvatljivosti ponuda prema obliku, sadržaju i potpunosti, iz zapisnika o otvaranju ponuda:

Redni broj omotnice ponude	Naziv ponuđača	CIJENA PONUDE
1.	„Condor“ d.o.o Zenica	17.476,80 KM

Za ispunjavanje svih uslova predviđenih tenderskom dokumentacijom traženo je dostavljanje sljedećih dokumenata, obrazaca i izjava:

1. Uslovi za kvalifikaciju

1.1. **Lična i profesionalna sposobnost ponuđača**

U skladu sa članom 45. stav 1. i članom 46. Zakona ponuđač treba ispunjavati sljedeće uslove:

- Da nema smetnji za njegovo učešće u smislu odredbi člana 45. Zakona,
- Da ima pravo na obavljanje profesionalne djelatnosti i/ili da je registrovan u relevantnim profesionalnim ili trgovačkih registrima.

1.2. U svrhu dokazivanja lične sposobnosti (član 45. Zakona) ponuđač je dužan dokazati da:

- a) u krivičnom postupku nije osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu s važećim propisima u Bosni i Hercegovini ili zemlji u kojoj je registriran;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registriran;
- c) je ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu s važećim propisima u Bosni i Hercegovini ili zemlji u kojoj je registriran;
- d) je ispunio obaveze u vezi s plaćanjem direktnih i indirektnih poreza, u skladu s važećim propisima u Bosni i Hercegovini ili zemlji u kojoj je registriran.

Ponuđač, u svrhu dokazivanja uslova iz tačke 3.2. od a) do d) ovog Poziva, dužan je dostaviti popunjenu i ovjerenu kod nadležnog organa (organ uprave ili notar) izjavu iz Aneksa 3. ovog Poziva. Izjava ne smije biti starija od 15 (petnaest) dana od dana dostavljanja ponude.

1.3. Ponuđač koji **bude odabran** kao najbolji u ovom postupku javne nabavke dužan je dostaviti sljedeće dokaze u svrhu dokazivanja činjenica potvrđenih u izjavi, i to:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registriran.
- b) Izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registriran;
- c) Potvrde nadležne poreske uprave ili ukoliko se radi o ponuđaču koji nije registriran u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje;
- d) Potvrde nadležne/ih institucija o uredno izmirenim obavezama po osnovu direktnih i indirektnih poreza.

Dokaze o ispunjavanju uslova izabrani ponuđač dužan je dostaviti u roku od 5 (pet) dana, od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude (pod danom predaje ponude smatra se dan koji je ugovorni organ odredio u ovom Pozivu kao datum za prijem ponuda). Naime,

izabrani ponuđač mora ispunjavati sve uslove u momentu predaje ponude, inače će se smatrati da je dao lažnu izjavu iz člana 45. Zakona. Navedeni dokazi se dostavljaju kao ovjerena kopija originala.

- 1.4. Ponuđač u svrhu dokaza o ispunjavanju uslova iz člana 46. Zakona **dužan je dostaviti u ponudi:**
- Aktuelni izvod iz sudskog registra ili izjavu/potvrdu nadležnog organa kojom se dokazuje pravo ponuđača da obavlja profesionalnu djelatnost koja je predmet ove nabavke. Dokaz se dostavlja kao kopija originala.
 - Aktuelno rješenje kojom se odobrava rad Agencije za zaštitu ljudi i imovine u skladu sa Zakonom o agencijama i unutrašnjim službama za zaštitu ljudi imovine („Službene novine Federacije BiH“ broj: 78/08). Dokaz se dostavlja kao kopija originala.

U slučaju da se u ponudi ne dostave gore navedeni dokazi (dokumenti) ili se ne dostave na način kako je naprijed navedeno, ponuđač će biti isključen iz daljnjeg učešća zbog neispunjavanja navedenih uslova za kvalifikaciju.

Ponuđač koji bude odabran kao najpovoljniji dužan je u roku od 5 dana od dana izbora najpovoljnijeg ponuđača dostaviti dokaze navedene pod tačkom 3.4. na način kao original dokument ili kopija dokumenta ovjerena kod nadležnog organa uprave ili notara.

Napominjemo vas da ako ugovorni organ bude imao sumnje o postojanju okolnosti u vezi sa ličnom sposobnošću ponuđača, isti će se obratiti nadležnim organima sa ciljem pribavljanja potrebnih informacija u predmetnom postupku.

2. **Kriterij u skladu sa članom 52. Zakona**

U skladu sa članom 52. stav (2). Zakona svaki ponuđač dužan je uz ponudu dostaviti i posebnu pismenu izjavu da nije nudio mito niti učestvovao u bilo kakvim radnjama koje za cilj imaju korupciju u predmetnoj javnoj nabavci.

Ukoliko ponuđač ne dostavi navedenu izjavu ponuda će biti odbačena.

Obrazac navedene izjave dat je u **Prilog 4.** ovog Poziva i čini njegov sastavni dio.

4.1 Ostali uslovi klasifikacije

U vezi sa ostalim uslovima klasifikacije ponuđač je dužan dostaviti uz ponudu i slijedeće izjave (potpisane od strane ovlaštene osobe ponuđača sa pečatom ponuđača) :

- a) Izjava ponuđača o nepromjenljivosti cijena za vrijeme trajanja ugovora, ne starija od 15 dana od dana predaje ponude,
- b) Izjava ponuđača da daje rok važenja ponude 60 dana, ne starija od 15 dana od dana predaje ponude.
- c) Izjava ponuđača da će kao izabrani ponuđač u roku od 7 dana od dana izvršene e-aukcije, Ugovornom organu dostaviti umanjene cijene po stavkama iz obrasca za cijenu ponude, za isiti procenat koliko iznosi konačno procentualno umanjenje ukupne cijene postignute nakon e-aukcije ne starija od 15 dana od dana predaje ponude.

3. **Podaci o ponudi**

3.1. Sadržaj ponude i način pripreme ponude

Ponuda se zajedno sa pripadajućom dokumentacijom priprema na jednom od službenih jezika BiH, na latiničnom ili ćiriličnom pismu. Pri pripremi ponude, ponuđač se mora pridržavati zahtjeva i uslova iz ovog Poziva.

Ponuda ponuđača mora da sadrži:

- a) Obrazac za dostavljanje ponude (Prilog 1),
- b) Obrazac za cijenu ponude - Cijenu sa svim elementima koji je čine, kao i potrebnim objašnjenjima na način kako je definirano u ovom Pozivu (Prilog 2),
- c) Kopija aktuelnog izvoda iz sudskog registra o upisu u sudski registar za obavljanje profesionalne djelatnosti pružanje usluga predmeta javne nabavke, ili posebna izjava ili potvrda nadležnog organa kojom se dokazuje pravo ponuđača da obavlja profesionalnu djelatnost predmeta javne nabavke. Ukoliko ponudu dostavlja fizičko lice registrovano za obavljanje pružanja usluga predmeta javne nabavke, dokaz o registraciji predstavlja kopija odobrenje nadležnog organa o obavljanju djelatnosti;

- d) Kopija rješenja kojim se odobrava rad Agencije za zaštitu ljudi i imovine u skladu sa Zakonom o agencijama i unutrašnjim službama za zaštitu ljudii imovine („Službene novine Federacije BiH“ broj: 78/08),
- e) Obrazac izjave o ispunjenosti uslova iz člana 45 stav 1 tačka od a) do d) Zakona o javnim nabavkama, ne starija od 15 dana od dana predaje ponude (Prilog 3),
- f) Obrazac izjave iz člana 52. Zakona o javnim nabavkama, ne starija od 15 dana od dana predaje ponude (Prilog 4),
- g) Pismeno ovlaštenje za potpisivanje izjava u ponudi ukoliko je iste potpisalo lice po ovaštenju,
- h) Izjava o nepromjenjivosti cijena usluga tokom ugovornog perioda, ne starija od 15 dana od dana predaje ponude,
- i) Izjava ponuđača da daje rok važenja ponude 60 dana, ne starija od 15 dana od dana predaje ponude,
- j) Izjava ponuđača da će kao izabrani ponuđač u roku od 7 dana od dana izvršene e-aukcije, Ugovornom organu dostaviti umanjene cijene po stavkama iz obrasca za cijenu ponude, za isiti procenat koliko iznosi konačno procentualno umanjenje ukupne cijene postignute nakon e-aukcije ne starija od 15 dana od dana predaje ponude
- k) Ime i sjedište ponuđača, datum ponude, potpis podnosioca ponude ili ovlaštenog lica na osnovu punomoći koja u tom slučaju mora biti priložena u originalu ili ovjerenoj kopiji,
- l) Ponuda mora biti ovjerena pečatom podnosioca ponude.
- m) Ovlaštenje za učešće na javnom otvaranju ponuda u ime privrednog subjekta ponuđača (Prilog 5),
- n) Potpisan i parafiran Nacrt ugovora (Prilog 6)
- o) Popis dokumenata uz ponudu, koji čini sadržaj ponude (Prilog 7).

3.2. Priprema ponude

Ponuđači snose sve troškove u vezi sa pripremom i dostavljanjem svojih ponuda. Ugovorni organ nije dužan snositi te troškove.

Ponuda se dostavlja na sljedeći adresu: **JZU Zavod za bolesti ovisnosti Zeničko - dobojskog kantona, Zenica, ulica Aska Borića broj 28; kancelarija protokola, do 24.11.2022. godine u 11:00 sati.** Original i sve kopije ponude trebaju biti otkucani i napisani neizbrisivom tintom. Svi listovi ponude moraju biti čvrsto uvezani, sa označenim stranicama. Stranice ponude se označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki sljedeći dio započinje rednim brojem kojim se nastavlja redni broj stranice kojim završava prethodni dio. Ako sadrži štampanu literaturu, brošure, kataloge koji imaju originalno numerisane brojeve, onda se ti dijelovi ponude ne numerišu dodatno. Ponuda neće biti odbačena ukoliko su listovi ponude numerisani na način da je obezbjeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u ovom Pozivu.

Ponuđač dostavlja ponudu originalu, na kojoj će čitko pisati: „ORIGINAL PONUDA“. Originalna ponuda mora biti zapečaćena u neprovidnoj koverti, sa pečatom i potpisom ponuđača, nazivom i adresom ponuđača, na kojoj će stajati:

„Ponuda za javnu nabavku usluga fizičke zaštite ljudi i imovine za potrebe JZU Zavod za bolesti ovisnosti

Zeničko- dobojskog kantona - NE OTVARATI!“

Ponuđači mogu izmijeniti ili povući svoje ponude, pod uslovom da se izmjene ili obavještenja, dostave u pisanoj formi o izmjenama ili povlačenja ponude, a prije isteka roka za podnošenje ponuda. Osim toga na koverti u kojoj se nalazi izjava ponuđača treba biti napisano sljedeće: „IZMJENA/DOPUNA PONUDE - NE OTVARATI!“ ili „POVLAČENJE PONUDE - NE OTVARATI!“.

Javno otvaranje ponuda će se obaviti dana 24.11.2022. (četvrtak) u 11:15 sati u JZU Zavod za bolesti ovisnosti Zeničko - dobojskog kantona, ulica dr. Abdulaziza Aska Borića br. 28.

Predstavnik ponuđača koji želi učestvovati na javnom otvaranju ponuda dužan je, prije otvaranja ponuda, Komisiji dostaviti ovlaštenje za učešće na javnom otvaranju ponuda u ime privrednog subjekta ponuđača, koja je sastavni dio ovog Poziva (**Prilog 5**). Ukoliko predstavnik nema ovlaštenje za učešće na javnom otvaranju ponuda, može kao i sva ostala zainteresovana lica prisustvovati javnom otvaranju ponuda, ali bez prava potpisivanja zapisnika i poduzimanja bilo kakvih pravnih radnji u ime ponuđača.

Komisija **konstatuje da je ponuđač „Condor“ d.o.o Zenica uz ponudu dostavio dokumentaciju za to kako slijedi:**

- Naslovna strana ponude
 - obrazac za dostavljanje ponude **Prilog broj 1**, popunjen, potpisan i ovjeren od strane ovlaštene osobe ponuđača,
 - obrazac za cijenu ponude **Prilog broj 2**, popunjen, potpisan i ovjeren od strane ovlaštene osobe ponuđača,
 - Kopija Aktuelnog izvoda iz sudskog registra Općinskog suda u Zenici, broj: 043-RegZ-22-002654 od 30.09.2022. godine, potpisan i ovjeren od strane ovlaštene osobe ponuđača,
 - Kopija Rješenja Ministarstva unutrašnjih poslova, broj: 08-03/1-04-1-5525-3/05-SJ od 23.11.2005. godine, potpisana i ovjerena pečatom od strane ovlaštene osobe ponuđača i ovjerena od strane notara Marinko Terzić, dana 23.11.2022.godine,
 - Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama BiH, **Prilog broj 3**, popunjena, potpisana od strane ovlaštene osobe ponuđača i ovjerena od strane notara Marinko Terzić, dana 23.11.2022.godine,
 - Pismena izjava iz člana 52. Zakona o javnim nabavkama, **Prilog broj 4**, popunjena, potpisana od strane ovlaštene osobe ponuđača i ovjerena od strane notara Marinko Terzić, dana 23.11.2022.godine,
 - Punomoć ovjerena od strane notara Marinko Terzić, dana 23.11.2022.godine
 - Izjava ponuđača da kao ponuđač neće vršiti promjenu cijena za vrijeme trajanja Ugovora, potpisana i ovjerena od strane ovlaštene osobe ponuđača, od 18.11.2022. godine
 - Izjava ponuđača o prihvatanju perioda važenja ponude 60 dana potpisana i ovjerena od strane ovlaštene osobe ponuđača, dana 18.11.2022. godine
 - Izjava ponuđača da će kao izabrani ponuđač u roku od 7 (sedam) dana od dana izvršene e-aukcije, Ugovornom organu dostaviti umanjenje cijene po stavkama iz Obrasca za cijenu ponude (na Obrascu za cijenu ponude), za isti procenat koliko iznosi konačno procentualno umanjenje ukupne cijene postignute nakon e-aukcije, **potpisana i ovjerena od strane ovlaštene osobe ponuđača, od 18.11.2022. godine,**
-
- obrazac ovlaštenja za sudjelovanje u postupku javnog otvaranja ponuda ovjeren i potpisan od strane ovlaštene osobe ponuđača od dana 18.11.2022. godine, **Prilog 5,**
 - Nacrt ugovora, potpisan i ovjeren od strane ponuđača, **Prilog broj 6,**
 - **Izjava ponuđača da je rok plaćanja 30 dana od dana ispostavljanja fakture, potpisana i ovjerena od strane ovlaštene osobe ponuđača,**
 - **Pismeno ovlaštenje za potpisivanje dokumentacije za pripremu tendera, potpisana i ovjerena od strane direktora ponuđača, dana 18.11.2022. godine,**
 - **Obrazac sadržaja ponude potpisan i ovjeren od strane ponuđača, Prilog 7**
 - **Obrazac sadržaja ponude potpisan, popunjen i ovjeren od strane ponuđača.**

Analizom ponude ponuđača „Condor“ d.o.o Zenica, utvrđeno je da je ponuda uvezana na način utvrđen T.D., da je ponuđač dostavio sve dokumente, obrasce i izjave tražene tenderskom dokumentacijom o ispunjavanju uslova traženih u pogledu lične, ekonomsko-finansijske, tehničke i profesionalne sposobnosti ponuđača, odnosno da ista ispunjava sve zahtjeve u pogledu opisa predmeta nabavke.

Na osnovu navedenog ponuda ponuđača „Condor“ d.o.o Zenica je prihvatljiva za ugovorni organ.

Kriteriji za dodjelu ugovora je: NAJNIŽA cijena ponude.

Također, tenderskom dokumentacijom planirano je provođenje e-aukcije.

E-aukcija neće biti provedena iz razloga što je dostavljena samo jedna prihvatljiva ponuda.

Komisija je izvršila vrednovanje ponuda kako slijedi:

Ponudu za nabavku usluge fizičke zaštite ljudi i imovine dostavio je 1 (jedan) ponuđač i to Condor d.o.o. Zenica. Ponuda je prihvatljiva za ugovorni organ.

Nakon provjere kvalificiranosti ponuđača utvrđeno da ponuđač „Condor“ d.o.o Zenica ispunjava sve zahtjeve iz TD za nabavku usluga fizičke zaštite ljudi i imovine. Ponuđač „Condor“ d.o.o Zenica dostavio je ponudu sa cijenom jednog sata fizičke zaštite **6,62 KM** a ukupna cijena za 2.640,00 sati iznosi **17.476,80 KM bez PDV-a.** Članom 3. stav (3) Pravilnika o uslovima i načinu korištenja e-aukcije, (Službeni glasnik BiH, broj 66/16) propisano je da u slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona.

Komisija jednoglasno donosi odluku da se direktoru predloži odabir ponuđača „Condor“ d.o.o Zenica kao najpovoljnijeg ponuđača za nabavku usluge fizičke zaštite ljudi i imovine za potrebe Javne zdravstvene ustanove Zavod za bolesti ovisnosti Zeničko-dobojskog kantona na period od 1 (jedne) godine i ukupnu vrijednost ponude u iznosu 17.476,80 KM bez PDV-a.

Sastanak je završen 01.12.2022. godine u 14 i 30 sati.

Na osnovu naprijed navedenog, riješeno je kao u dispozitivu ove odluke.

POUKA O PRAVNOM LIJEKU : Protiv ove odluke može se podnijeti prigovor Ugovornom organu roku od 5 (pet) dana od dana prijema odluke.

Dostaviti:
1x Ponuđačima,
1x web stranica Zavoda,
1x Tenderska dokumentacija
1xa/a

Direktor:

Prim. mr. sci. Čustović dr. Amir,
specijalista neuropsihijatar